

Referat frå årsmøte

i Gloppen Janitsjar torsdag 11. februar 2010
kl 2030 på Firda vidaregåande skule

Før møtet fekk Rune Støyva blommar og gratulasjonar for å ha fått tildelt ungdommens kulturpris i samband med Ungdommens kulturmonstring i Gloppen, fredag 5. februar 2010.

Leiar Bernt Reed opna årsmøtet og tok opprop.

Til stades ved opninga:

Didrik Eide, Gunnar Eide, Jon G Eide, Margunn A. Evebø, Ingvild Førde, Reidun Kjørvik Førde, Vigdis Henden, Eva Fitje Holme, Arvid Jordanger, Heidi Fure Klausen, Hanne Lyngstad, Martin Lyngstad, Olav R. Myklebust, Britt Rønnekleiv Mølmann, Ole Henrik Mølmann, Bernt Reed, Geir Skagen, Bjørn Inge Solheim, Linda Pupe Støyva, Rune Støyva, Solveig Tørudstad.

Det er 21 røysteføre til stades ved starten av årsmøtet.

Godkjenning av innkalling og sakliste

Dato for årsmøtet var kunngjort på øving i korpset 14. januar, på korpset sine nettsider 16. januar, og i Firda Tidend onsdag 3. februar. Sakliste og årsmøtepaper var gjort tilgjengeleg for medlemmane på epost og på nettsidene tysdag 9. februar.

Vedtak: Innkalling og sakliste er godkjent.

Val av møteleiar

Bernt Reed vart foreslått som møteleiar. Det kom ingen andre framlegg.

Vedtak: Bernt Reed er møteleiar

Val av møtesekretær

Geir Skagen vart foreslått som møterefereent. Det kom ingen andre framlegg.

Vedtak: Geir Skagen er møterefereent

Val av to personar til å skrive under møteprotokollen saman med møteleiar

Det vart gjort framlegg om at Martin Lyngstad og Britt Rønnekleiv Mølmann signerte møteprotokollen saman med leiar. Det kom ingen andre framlegg.

Vedtak: Britt Rønnekleiv Mølmann og Martin Lyngstad signerer møteprotokollen saman med leiar.

Årsmelding

2009 vart fokus på NM for janitsjar i Trondheim i mars, medan Sommarnatt ved fjorden vart avlyst, og i staden var det konsertar i Myklebustdalen og ved Heradshuset på Sandane. I november var det øvingshelg med skulekorpsa i kommunen i samband med kulturskulen sitt jubileumskonsert med «Commitment» våren 2010. Året elles baud på dei faste spelingane; korpсарbasar i Hyen, Påskebasar i Breim, Breimstafetten, 17. mai, Førjulstreff og adventskonsertar. Styret har hatt åtte møte og 37 saker, og ved slutten av året talde korpset 34 medlemmer.

Bernt Reed (sign)

Britt Rønnekleiv Mølmann (sign)

Martin Lyngstad (sign)

Årsmeldinga vart gjennomgått side for side og det kom ingen endringar.

Vedtak: Årsmeldinga for sesongen 2009 er godkjent.

Rekneskap med revisjonsmelding

Rekneskapen vart lagt fram med eit underskot på kr 10 526,15 kroner. I budsjettet for året var det sett av 31.000 kroner i bruk av eigenkapital til NM, så vi kom betre ut enn budsjettet.

Revisorane har gått gjennom rekneskapen og skriv at «rekneskapen er revidert og funnen rett i følge bilaga og kontoutskriftene».

Kasserar Reidun Kjørvik Førde orienterte om dei ulike punkta i rekneskapen og svarte på spørsmål. Det kom ingen kommentarar til rekneskapen.

Vedtak: Rekneskap for 2009 er godkjent med merknad

Innkomne saker

Det var ingen innkomne saker

Arbeidsplan

Styret og musikkutvalet har sett opp eit framlegg til arbeidsplan for komande arbeidsår og nokre hovudmål i eit treårsperspektivplan. Våren inneheld dei vanlege aktivitetane med kulturskulen sitt jubileum og Sommarnatt ved fjorden som viktigaste innslag. Hausten vil verte prega av at vi skal delta på og vere teknisk arrangør av Nordvest-meisterskapen 2010, før dei vanlege førjuls-aktivitetane.

For 2011 ligg det inne både NM, ein jazzkonsert med Helge Sunde, Børge Are Halvorsen og Arve Henriksen – gamle medlemmer i internasjonalt format, og eit samarbeid med Breimskoret.

Framlegget vert retningsgjevande og det var semje om tiltaka i årsmøtet.

Vedtak: Arbeidsplanen er godkjent.

Kontingent

Kontingenten i Gloppen Janitsjar vart heva til 500 kroner for vaksne og 250 kroner for skuleelevar i 2009, og styret foreslo å halde fast på dette.

Vedtak: Kontingenten i Gloppen Janitsjar vert kroner 500,- for vaksne og kroner 250,- for skuleelevar.

Budsjett

Styret presenterte eit budsjett for komande sesong som er balansert på 295.000 kroner.

Etter at papira vart sendt ut viser det seg at kommunen sine satsar for leige av dirigent er endra, så posten direksjon aukar med 9.000 kroner. Det vart gjort nokre mindre endringar i budsjettet i samsvar med dette.

Vedtak: Budsjett for 2010 vart godkjent med endringar, og balanserer no på 300 000 kroner.

Bernt Reed (sign)

Britt Rønnekleiv Mølmann (sign)

Martin Lyngstad (sign)

Val

Styremedlem Eivind Kjørvik har varsla at han ikkje tek attval til styret etter å ha hatt vervet i to periodar. Nestleiar Gunnar Eide, kasserar Reidun Kjørvik Førde, og varamedlemmane Ole Henrik Mølmann og Eva Fitje Holme stiller alle til attval. Valnemnda orienterte om arbeidet før årsmøtet, og presenterte dette framlegget til styre og utval:

Styret

Leiar:	Bernt Reed	
Nestleiar:	Gunnar Eide	Attval
Kasserar:	Reidun Kjørvik Førde	Attval
Sekretær:	Geir Skagen	
Styremedlem:	Hanne Lyngstad	Ny
1. vara.:	Ole Henrik Mølmann	Attval
2. vara.:	Eva Fitje Holme	Attval

Musikkutval

Ole Henrik Mølmann, leiar	Attval
Marita Elise Holme	Attval
Bjørn Inge Solheim	Ny
Dirigent	

Sosialkomité

Didrik Eide	Attval
Solveig Tørudstad	Attval
Heidi Fure Klausen	Attval

Valnemnd 2010

Ingrid Sundal Søreide	Attval
Martha Sundal Engeland	Attval
Eivind Kjørvik	Ny

Revisorar

Didrik Eide og Heidi Fure Klausen	Attval
-----------------------------------	--------

Det var ikkje andre framlegg til val enn innstillinga frå valnemnda.

Vedtak: Valnemnda sitt framlegg til nye styremedlemmer og utvalmedlemmer er godkjent ved akklamsjon.

Sandane 11. februar 2010
Geir Skagen referent

Bernt Reed (sign)

Britt Rønnekleiv Mølmann (sign)

Martin Lyngstad (sign)